



婦葉山房藥鈔

五十

僧4  
395  
50

五十





14  
號  
卷

光緒癸酉六月

藤香館小品

孫學孫不言署



藤香館小品 上卷

歸業山房叢鈔第二十一



楹聯小道也酬應之作無當學問友人楊曉嵐文學代為掇拾敝帚不自珍而人珍之可感亦可愧已掇拾既多粗為編次列入藤香館小品癸酉長

夏醉歌叟識

題杭州府大堂

形勝古臨安領是郡者宣上德抒下情方寸中著半點塵埃爭對得十里湖光四圍山色 劫餘新締造登斯堂也緩催科勤撫字凋敝後盡幾分心力期永

保六橋遺澤三竺慈雲

題煖閣

為政戒貪貪利貪貪名亦貪勿務聲華忘政本  
養廉惟儉儉已儉儉人非儉還從寬大葆廉隅

題二堂

太傅佛內翰仙功德在民宦蹟相承私嚮往  
道州詩監門畫瘡痍滿地虛堂危坐獨徬徨

題梧月松風廳事

倚梧判牘踞松哦詩十載塵踪最難忘贈縉名卿題

襟舊雨 朗月入懷清風滿袖一官春夢幸重見湖  
山有美江海無波

題浙闈提調官署

時督建貢院落成  
即充闈中提調官

瑣院集羣英慶萬間廣廈新開蓮炬分行鳳味迴翔  
陪節使 秋風尋舊夢記兩度重簾頰校檝香滿院

龍門聲價附文星

余兩充浙  
闈同考官

題西湖崇文書院

講藝重名山與諸君夏屋同棲豈徒月夕風晨掃榻  
湖濱開社會 抽帆離宦海笑太守春婆一夢贏得

棕鞋桐帽扶筇花外聽書聲

題崇文書院寓齋

集句

青鞋布襪從此始 湖月林風相與清

題孤山林典史祠墓

大節匹閻公取義成仁青史從今尊縣尉 忠魂依

處士補梅招鶴孤山終古屬林家

題三潭印月

山色湖光雨奇晴好 天心水面月到風來

題靈隱寺僧舍

到此方知官是夢 生前安見我非僧

題鳳林寺後禪廬

白社論交留此間香火因緣割半壁棲霞暫歸結十

六年塵蹟 青山有約期他日煙雲供養挈一肩行

李重來聽百八記鐘聲

題杭州金少參公祠

祠在北新關亂後移祀仁  
和漕倉公諱九陞全椒人

樹東林幟蜚西臺聲公為椒邑名賢考獻徵文戚里

稔知清惠澤

公家有  
清惠堂

植南國棠掌北門管我亦杭

州守土酌泉薦菊湖山莫罄溯洄情

題杭州安徽會館

美擅湖山留此地萍踪好共一觴一詠  
歡聯桑梓  
問故鄉梅信無忘江北江南

題蘇州五百名賢祠

千百年名世同堂俎豆馨香因果不從羅漢證  
廿  
四史先賢合傳文章事業英靈端自讓王開

題滄浪亭

百花潭烟水同清年來畫本重摹香火因緣合以少  
陵配長史  
萬里流風波太險此處緇塵可濯林泉

自在從知招隱勝游仙

又題藕花水榭

虛碧上軒窗荷淨涼生座客傳花娛永叔  
遙嵐連  
浦溱雲閒住好藤陰鋪席待香山

題虎邱張玉筍先生

國維祠

謀國竭公忠常存翊主德靖中原殄流寇之心痛半  
壁難支在籍孤臣與范倪輩同光史策  
惠民多美  
利尤以築城墉捍海塘濬漕渠爲大留三吳遺愛勝  
朝名宦于周海外特報馨香

又代應方伯張公東陽人與方伯同里此聯今刊祠中稍有點竄語意不甚順適

能捍大患能禦大災維公德沛江河百廢俱興匪僅孤忠垂亮節東浙名賢東吳名宦在我誼關桑梓一官承乏允宜偃僕薦寒泉

題蘇州理問廳土地祠相傳署為金聖歎先生故宅即祀先生為土神

蒙難厄才人幸故宅長留文藻豐綏歌樂土佐雄

藩永薦馨香

題吳江王氏義莊

大義惟敬宗收族最先割千百畝膏腴其川三江其

浸五湖荷鋪決渠同食福達孝以繼志述事為善

經一再傳封殖我倉既盈我庾維億瓜綿椒衍永承

麻

題震澤縣積穀倉

其穀宜稻既堅既好自天降康乃積乃倉

題震澤鎮積穀倉

婁南應主藏天星斯萬斯千多多益善吳下擅具

區水利餘三餘九陳陳相因

題江陰吳季子祠



心事讓王同過墓興懷溯季子流風十字穹碑尊孔  
聖 文明吳會啟升階薦醴望君山咫尺千秋勝蹟  
壓春申

題直隸江南會館

合肥李爵相議建

主盟有上相登壇慶廣厦宏開廿四郡衣裳畢會  
託地在近畿首善願羣賢繼起尺五天聲望同歸

題正陽關金龍四大王廟

廟係督銷鹽局供奉

以書生作河濱尊神慶雪浪常恬與伍相國威靈共  
著 惟嵯政擅江淮美利願風帆助順並八公山草

木無驚

題綏遠城長白書院

係某將軍特建

盛世本同文合左雲右玉封疆息馬投戈朔漠寢成  
鄒魯俗 將軍不好武萃黑水白山俊彥敦詩說禮  
邊關長此誦弦聲

題焦山自然庵

時借劉省三爵帥周海船軍門  
韻珊織雲兩女史同游

鶴去難迴留片石孤雲共參因果 我來何幸有英  
雄兒女同看江山

題揚州安徽會館

蘇香館小品  
壤錯江淮評二分明月十里紅橋桑梓風光應讓美  
歡聯觴詠望冠蓋名流朱圭舊族魚鹽藪澤莫傷廉

題揚州平山堂

遺構溯歐陽公爲文章道德之宗侑客傳花也自徜徉詩酒  
名區冠淮海我從豐樂醉翁而至攜雲載鶴更教曠覽江山

自題金陵寓齋

有美湖山談宦蹟 莫愁風月暢吟情

題金陵清涼山寺

四百八十寺過眼成墟幸嵐影江光猶有天然好圖  
畫 三萬六千場回頭是夢間善男信女可知此處  
最清涼

題金陵半山寺

寺近明故宮側

鍾阜割秀青溪分源咫尺接層城歎禁苑全墟尙留  
此寺 謝傅棋枰荆公第宅去來皆幻迹問孤墩終  
古究屬何人

題金陵清涼寺僧舍

遺構湖南唐避暑離宮無片石 新詩吟玉局卧雲

長老有千秋

題秦淮林氏水閣

尋江令宅訪段侯家流水聲中六朝如夢 賭太傅  
棋弄野王笛夕陽檻外雙槳徐停

題秦淮楊氏停艇聽笛水閣

六朝金粉十里笙歌裙屐昔年游最難忘北海豪情  
西園雅集 九曲晴波三生夢影樓臺依舊好且消  
受東山絲竹南部烟花

題秦淮停雲榭

一曲後庭花夜泊消魂客是三生杜牧 東邊舊時  
月女牆懷古我如前度劉郎

題秦淮懷素閣

看一水西流畫舫清尊且喜金吾不禁 唱大江東  
去銅弦鐵撥須邀玉局同來

題秦淮煙月雙籠水榭

何處寄閒情亞字闌干心字水 此間無俗韻梨花  
院落棗花簾

題秦淮畫船簫鼓水榭

應香館小品  
花  
豔蹟易消磨老我重來喜煙月如新勾起卅年綺夢  
名區資點綴干卿甚事勸鴛鴦莫打留將六代風光

題秦淮夢六軒水榭

璧月夜夜瓊樹朝朝淥水紅橋舟似織 詩老鶯鶯

公子燕燕清歌妙舞酒如淮

題秦淮畫舫

五夜弦歌雙槩月 一簾花氣滿船燈

又

兩槩橋頭盪人幽緒 一聲河滿觸我柔腸

又

情波紆迴作西流水 古調冶豔譜後庭花

又

六代久成墟船頭尙照秦時月 雙槩不用楫渡口

常懷晉室賢

又

受兩三人留一角供米家圖畫 盡斗石量倚微醺

聽賀老琵琶

又 集句

澄碧生秋開紅駐景 如花美眷似水流年

題莫愁湖

山溫水膩風月長存幾人打槳清游倩小伎新絃翻  
一曲齊梁樂府 局冷棋枯英雄安在有客登樓憑  
眺仰宗臣遺像壓當年常沐勛名

又

勝蹟訪鶯花料應平地神仙得此處優游湯沐 好  
山作屏障爲間隔溪猿鳥是何人呼吸清涼

又

煙月重新漁娃學打花邊槳 湖山再造國手能生  
劫後棋

題莫愁湖曾文正公遺像

出西州門迤邐而來看桑麻遍野花柳成蹊十萬家  
重覩昇平遺愛難忘白叟黃童齊墮淚 與中山王  
後先相望幸湖水波恬石城烽靖五百年允符運會  
大名並峙袞衣赤舄更圖形

題元武湖

三百年方冊安存贖鳧渚鷗汀時有煙雲入圖繪

四十里昆明依舊聽菱歌漁唱不須鼓角演樓船

題元武湖曾文正公遺像

人間宰相天上神仙果然蓬島歸真看員嶠方壺相  
連一水 小隊曾來大名不朽留得湖山遺愛比謝  
安王導別有千秋

題曾文正公遺愛坊

今刊坊上石工憎其長截去首句不成文理矣

偃武遠騎箕繫億萬家父老謳思墮淚碑宜留峴首  
削平等開創挽十二載干戈劫運大功坊合配中山

又

坊聯本二首石工刻上聯之半兩面雷同而遺此聯

使節三持遭際如文端幹濟如文毅 仁恩再造鍾  
阜同其高江流同其深

題 敕建曾文正公祠

惟嶽降神建補天浴日元勛俎豆蒸嘗曠典邁雞鳴  
十廟 以勞定國增鍾阜石城名勝香花尸祝斯人  
比龍卧千秋

題 敕建馬端敏公祠

代李制軍

二十年同譜同舟善相勸過相規骨肉論交悵勞燕  
宦途分公去騎箕瞻望江天慳一面 百萬家罷春

罷市生為英死為靈馨香肆祀看清涼山色好我來  
設醴眷懷師友各千秋祠與曾文正祠比隣文正為制軍座師

又代袁觀察

觀察為袁端敏公從子與馬端敏交最洽

謚法與吾家從父相符憶濠上軍書浙中薦牘江左  
官箴高厚生成大府締交如骨肉 廟貌在丞相祠  
堂之右溯蕭曹受代安導同心范韓媲美後先崇祀  
千秋景仰在清涼

題馬端敏公墓門

遺愛遍江鄉先後同官德望允孚曾節相 恩榮題

綽楔梓桑尚友淵源直接卞忠貞

題 敕建向張二公祠

百戰建殊勩身歷多艱非巡遠誰作汾淮障蔽 雙  
忠崇大節功成諸將惟宗李實開韓岳先聲

題金陵貞烈祠

碧血濺璇闈嗇其壽以壽其名彤管昭垂宜與志士  
仁人同傳 冰心歷塵劫矢厥貞乃貞厥報丹楹赫  
濯足令三山二水增輝

題金陵方正學祠

開前明十六朝講學宗風經世名儒匪特麻衣著節  
存南畿卅五載建都正氣滿腔孤憤忍看燕子高飛

題普渡尼庵

佛菩薩妙法蓮花惟憑兩字慈悲苦海沈淪施寶筏  
善女人皈依貝葉常保一心貞靜璇閨咫尺見靈山

題放生庵僧舍

種菊成畝種藥成畦此是僧家本分 有鳥休羅有  
魚休餌長留佛地生機

題兩江督署煦園

正廳題額曰

恩暇堂

宸翰壁間嵌想日華雲爛露湛煙濃遭逢一德明良  
退食多閒綠野平泉公廨築 都城江左重幸鰈伏  
鵜馴河榮海若曠覽六朝名勝遙嵐入坐迂倪顛米  
畫圖開

又 題退思堂

賦江南春六代鶯花歸眼底 後天下樂十年休養  
繫心頭

又 題拜石山房

分獅林一角鶯峯一拳邱壑自然佳興到莓苔鋪作



席 種芙蓉成城楊柳成郭林陰深處望客來冠珮  
燦如雲

又 題水石軒

磴道起虛空高處接瓊樓玉宇 軒窗涵淨碧此間

悟魚躍鳶飛

又 題不繫舟

止水何心待澤有人期廣沛 此舟不繫退休如我  
合相宜

題惜陰書院講堂

院為陶文毅公創建故額以惜陰

學校毓菁莪願諸生經訓菑畚惜此分陰毋負長沙

樂育 山城接龍虎期他日文章臺閣蔚為大器足

彰鍾阜英靈

題四松庵僧舍

庵亦陶文毅公所建主者兼司曾祠香火與書院隣

護持丞相祠堂降嶽為神翠柏成陰人勿翦 消受

清涼世界隔隣證果白雲如絮我平分

題馬祠僧舍

祠面烏龍潭一名小西湖背即盍山也亦與書院隣僧能作畫

我慣長西湖客裏閒情潭水寄 僧能師北苑眼前

設色盍山宜

題周氏樸園

海船軍門寄居金陵得陳氏樸園葺而新之極一時花石之盛

百戰功成從戟門牙帳而來謝萬戶侯封貪看六朝  
山色 十弓地拓極石磴雲關之勝問汾陽聲伎何  
如居士清涼

又 題雅歌堂

王謝舊烏衣喬木猶存大好樓臺欣得主 邢隨今  
白地名園無幾來游士女任看花

又 題袍笏堂

疊石成山想奇章甲乙海嶽衣冠倘從此處流連煙

谷雲巒開眼界 倚闌點筆看鍾阜晴嵐冶城斜照

絕好天然圖畫濃皴淡抹入屏風

又 題春風啜茗軒

墅可圍棋安石每攜羣伎集 居宜種竹徽之不問

主人來

又 題暄谷

花塢藏春竹爐暖酒 紅羅宴客白紵徵歌

又 題水流雲在居

魚鳥清閒作濠濮間想 竹石奇古如魏晉時人

又題環山樓

登樓看山龍虎在望 相地種樹鸞鶴常來

題金陵歙縣會館

冠珮集羣賢從丹巖白嶽而來詩伯文雄望氣浩如  
雲海 鶯花鄰豔蹟覽桃葉青溪之勝古懽新契豪  
吟稱此江山

題胡氏愚園春暉堂

園為中山王西園遺址

舊址拓西園接山城迤邐水木清華湛露昔承恩勝  
國雄藩休沐地 新圖規北苑經楊柳池臺薜蘿門

徑飛英重作會嘉賓賢主豔陽天

又題清遠堂

十頃陂塘猶是六朝煙水襯朱闌芳草碧榭紅蓮世  
界最清涼好安排太傅棋枰醉翁琴操 胸中邱壑  
摹成眼底鶯花喜遠岫雲來層軒風定閒情同灑落  
且邀取畸人說劍騷客題襟

又題水石居

水檻結鷗盟雲影天光相盪漾 巖扉留鶴守神仙  
官府最逍遙

又題無隱精舍

室靜木樨香客至參禪檻外鳶魚通旨趣  
林深風露潔賦成招隱雲中雞犬亦神仙

又題分蔭軒

買宅買隣遙看巒翠鋪陰分來几席  
美輪美奐爲祝三槐五桂蔭到雲祇

題金陵楊氏園

問竹報書來何氏山林招老杜  
看花終日醉習家池館署高陽

又園有合歡花二株高出層簷始百年物

置酒常招烏帽客到門先認馬纓花

題黃昌岐軍門金陵寓園

綠野平泉是名將相休沐婆娑之地  
瑤林琪樹由大經濟栽培醞釀而成

題滁州醉翁亭時募建落成

翁昔醉吟時想溪山入畫禽鳥親人一官遷謫何妨  
把酒臨風只范希文素心可證我來憑弔處悵琴  
操無聲梅魂不返十畝蒿萊重闢捫碑剔蘚幸蘇長

公墨蹟猶存

又 題歐梅亭

行樂處草木可敬 會心時魚鳥相忘

又 題歐蘇神龕

師生文字同千古 香火因緣共一龕

又 題影香亭

踞石而飲扣槃而歌最難得梅邊清福 環山不孤

釀泉不冷何須戀湖上風光

又 題曲水流觴亭

沿洛邑遺風杯渡輕便增酒趣 仿山陰雅集波流  
曲折見文心

題滁州豐樂亭

十年兵燹略同五代干戈幸迅掃浮塵山高水清餘  
孽不留皇甫 百步州南猶贖數弓亭址望後來太  
守疏泉鑿石鴻文更續歐陽

題合肥劉氏宗祠

自受封得氏以來唐社分支夏廷疏爵周家食采漢  
室稱藩世祿相承華胄遙遙光史乘 有文德武功

可溯閣中藜燄帳外笳聲堂上蒲鞭軍中旗幟宗風  
遞衍同枝密密盛淮淝

題全椒城隍廟戲臺

休怪他快意登場也須夙世根基纔能殼屠狗封侯  
爛羊作尉 姑借爾寓言醒世一任當前烜赫總不  
過草頭富貴花面逢迎

題上海戲園

五千年史鑑翻新人物衣冠大半是經文緯武 九  
萬里梯航並集樓臺歌舞其中有化日光天

題孟蘭會草臺演戲

風露作中元正寒林普濟之秋娛神聽洽鄉情喜聞  
白雪陽春傳來下里 篝車欣大熟值香稻初炊之  
會慶曾孫迓田祖好共山歌村笛譜入康衢

題草臺演戲

比戶樂絃歌何必慕廣寒霓羽 名場爭得失也只  
如優孟衣冠

題全椒忠孝節義祠

三綱爲百行本原卓爾完人足令襄水釜山增色

千古由一時論定懋哉祀典宜與賢關聖域同休

題全椒貞烈祠

守身保貞捐生保名彤史遺徽無缺憾 茹藥成節  
飲血成烈襄河終古是清流

自題薛氏支祠

吾先人由西蜀來茲啟十七世門楣只畊讀相傳不  
敢遠引皇祖奚仲 予小子自古杭罷郡承五百年  
堂構願本支勿替常思勉為善士居州

藤香館落成自題

服官易致政難解組歸田收拾一生事業 學稼勞  
為圃逸閉門種菜消磨千古英雄

又

杜陵廣廈構胸中白首無成空自許身稷契 庾信  
小園營亂後青山依舊聊堪匿跡巢壺

又

老我無名心祝架上古藤延壽 期兒續家學看堦  
前新竹干雲

自題門聯 集句

自探典籍忘名利 未有涓埃答聖朝

又

兩浙東西十年溥宦 大江南北一箇閒人

又

六代江山縱臨眺 一門鸞鷲起人文

又

懸車宗廣德 講學紹文清

又

蒼松翠柏經冬茂 威鳳祥麟應運生

時新舉  
乾兒

自題書舍

涼翠襲襟裾 濃陰織屋 清音攪徵角 蕉雨敲窗

又

白香山廣大教主 陸天隨江湖散人

又

不著衣冠門前久謝乘軒客 只談農圃月下欣聞

打稻聲

又

與客同游酒國 閉門獨擁書城



又

蒔花種樹借生意 飲酒賦詩娛老懷

又 集句

清心復我生初理 白眼看他世上人

又 錄先伯兄遺句

熟客不妨來獵酒 先生也自愛澆書

題兒子書齋

爭上流防下達 敦古道近人情

又

求益必先戒損 養心然後讀書

又

能讀父書為肖子 洞明世務亦通才

題宿松段氏試館

瀟嶽韞瑰琦筆挾風濤隨千里大江東下 于門興

駟馬曲賡霓羽看一輪明月秋高

題合肥試館

川合淮淝琳琅入貢 星明牛斗桂杏聯攀

贈劉省三爵帥

應運毓勞臣未冠從軍已冠登壇起淮南清皖北縱  
橫于吳楚宋鄭齊魯燕趙之交以西窺秦隴陳必善  
戰必克彤矢分封順昌旗幟照戎行懿鑠哉當今名  
將多材兼眾美始精技擊繼精藝事喜緩帶愛投  
壺涉獵于琴棋醫卜陰陽奇遁之學而壹意詩歌用  
則行舍則藏黑頭高隱安石鶯花娛歲月歸來兮與  
我同心

贈段小湖觀察

具大胸襟曠覽江天包羅海岳 試小經濟長養花

木位置鼎彝

贈邵子安大令

邵領輪船載余由上海至金陵

與君醜酒臨黃浦 送我看山到白門

贈江小松大令

少角藝老論文客裏追隨把盞各驚雙鬢雪 我擁  
檀君聽鼓閒中慰籍扶筇同看六朝山

贈郭丹坡刺史

神劍韜鋒光燭霄漢 大木受削材任棟樑

贈吳雲章大令

樹骨宜傲宅心宜遜 需次耐閑蒞官耐勞

贈盛雲舫大令 其尊人新就養金陵

候吏多閒何妨送抱推襟與我輩琴樽酬答 安車

就養正好潔羞馨膳供老人風月婆娑

贈炳照村司馬 以漢陽同知致仕小有園亭之勝

我是閒雲君是鶴 卧看山色醉看花

贈金陵蔣某

三徑吟儔門無俗客 六朝山色籍隸君家

贈陳捷三都督

雅歌投壺儒將本色 佳山好水寓公曠懷

贈許少玉太守 時赴浙江需次

與君話別白門柳 爲我補栽孤嶼梅

贈慶瑞亭佐領

五陵子弟多佳氣 六代鶯花屬寓公

贈王星橋同年

同譜三十年舊雨關心訪我扁舟來白下 作客六

千里秋風憶遠與君翦燭話巴山

贈劉琢卿大令

汝陰靈秀所鍾武帳文弦荆樹聯芳成蔭大 越石  
清剛之氣矛頭盾鼻笳聲吹靖種花來

贈石東山觀察

西郭喜毗隣種竹蒔花位置園林娛晚福 南邦訪  
黎獻扶衰翊善維持桑梓見精心

贈馬少原大令

少原作幕浙江服官河南歸老金陵

作諸侯客現宰官身湖海話游蹤最難忘東浙題詩  
金隄植柳 築三休亭結五老會鄉園娛晚福好消  
受鍾山鹽米白下鶯花

贈鄧曉亭

舊友鄧式如太守之子

舊雨最纏綿爾歸代話十八年別緒 同雲無繫戀  
我老日需三百錢行沽

贈范月槎觀察

兼賀文郎南北雙捷

槐署舊翔鸞具憂樂天下胸襟冰鑑名高金貂望重  
梧岡雙起鳳比花萼樓前賦筆荆山耀璞冀北空羣

贈日本國儒士岡本監輔

縱談如覽大瀛勝 贈別惜無春雪詩

贈全椒李某

家于金陵

寓公愛飲建業水 鄉心同話桑根山

贈周小濂太守

全椒山有道士交太守 歐陽公以循吏作名臣

贈黃子春大令

傳經世澤延江夏 爲政風流繼定侯

贈汪友松

一瓢酒慰風雨夕 千尺潭如離別情

又

燮陰理陽功比良相 采芝種朮福此窮民

贈何棣之都督

烟霞錮我追三隱 桑梓期君擁八騶

贈陳善甫軍門

鄉心共話瑯琊勝 偉抱須清瀚海塵

贈汪谷泉

江村梅萼通芳訊 潭水桃花續古懽

贈查蔭堂大令

司金陵牛痘局

仁術本仁心江左十年同被澤 保民如保赤河陽

一縣早栽花

贈何瑞棠司馬

知君意氣涵湖海 老我情懷託杜蘅

贈楊曉嵐文學

傭筆不除名士氣 折梅須寄素心人

贈謝旭亭二尹

三折有奇方種德名亭絕技與元化倉公比美 十  
科淹矮屋書生作吏其人是梅福孟郊一流

戲贈劉培珊笛師

九曲青溪一聲長笛 大江東去孤鶴南飛

戲贈徐子駢笛師

問客何能值酒煖燈紅陪司馬青衫彈淚 有人度  
曲擅偷聲減字代老仙白石吹簫

贈淡然禪師

大千世界無非俗 半百年華漸愛僧

贈可曾禪師

卜隣喜近清涼宅 與客同參文字禪

又 可曾長老大病復起屬作輓聯蓋非誌更生  
之慶實能打破生死關頭也然豫凶非禮吾  
道所譏究不便作輓詞  
姑集禪語應之云爾



人氣節過人握拳卞壺父子千秋

輓桐兒

十三齡經史粗通譽滿公卿始信虛名能折福  
卅一載連遭迭邁默參因果將無造孽是居官

輓先仲兄淮生侍御

歿于江西主試差次

棘院病彌留憂負君憂負士憂負寅僚卅一朝醫  
藥沈綿忍死論文絕口不談家室事荆株中忽斷  
失我兄失我師失我族望三千里京華迢遞羈魂戀  
闕傷心無復對揚時

輓沈姬

歿于江西旅次

助遙僅三年可憐萍梗飄流巾櫛相隨細數歡娛曾  
有幾和顏承大婦纔到荔枝年紀么弦忽斷傷心  
病狀竟無名

輓姪婦郭孺人

亦歿于西江

三千里蒙難而來最堪傷母族凋零夫家飄泊  
十日彌留不起問誰視膝前哺乳堂上羹湯

輓李夫人

少荃伯相原配夫人薨時伯相猶居幕府克復安慶旋奉文宗哀詔

皖水贊戎機夫子賢勞籌筆功成驚夢白鼎湖傳



醜耗孤臣震懼呼天淚竭定忘家

輓汪逸林大令

被議後歿于贛郡君家舊有列岫樓為全邑老輩觴詠之所

故里擅豪情記列岫樓開詩酒縱橫遲我未登名士

席陽城書下考悵雙江路隔老成凋謝哭君新罷

上元燈

輓朱韶九廣文代

十載共籌防章貢波騰同上江城聽畫角三秋傷

永訣雲天路隔空憑驛使奠生芻

輓孫封翁

子授大司成子摺廣文之父翁方登樓憑眺無病而終

有子作人師國序黨庠同樹望登樓驚夢噩巷歌  
隣相各吞聲

輓江弢叔二尹

名士不宜官頻年嘯傲湖山只贏得兩袖風清一囊

詩富通才能損福半世消磨貧病最慘絕樓中月

冷掌上星孤

輓李芝巖觀察

李增景卿之父與余同宦嘉興後就養西江歿于清明節

鍾毓本螺山出處無慚迄今兩浙寅僚賸落落晨星

棠愛有碑旌太守宦游共鴛水葭葦久締忍聽雙

江噩耗道英英快婿麻衣如雪哭清明

輓樟姪

于諸姪中特見精能廢讀爭名時難年荒非得已

嗟伯氏老迭遭變故冷官薄俸婦孺孫穉倍難堪

輓伯嫂孟恭人

歿于中秋節時姪輩俱未應試

冢婦奉姑嫜早年家政親操迨翟芾分榮十載清風

資內助 佳兒貽娣姒指顧雲程可步悵鸞軒遽發

一輪涼月泣中秋

輓莊宜人

守齋觀察德配

滄瀛奉姑嫜更欣慈母東來繞膝慕深萱草碧 笄

珈相夫子詎料綵雲西去獻觴悲斷菊花黃

輓朱雲笙廣文

解組恰同心相期蔡姥湖邊笠屐招邀白社聯吟娛

暮景 維舟驚惡耗重到蔣家徑裏琴樽冷落黃花

滿地哭詞人

輓程小圃封翁

梓里式儀型交訂忘年記茅店宵寒踏月扶筇親訪

我 鬢宮資董理功虧一簣悵壁池草掩披星視事

更何人

輓先伯兄藝農廣文

仲無兒叔無兄弟有兒兄轉無兒庭誥分承忍見諸  
孤稱降服 姪長逝嫂長逝孫天逝祖旋長逝家門  
太蹇可憐後死最傷心

輓姪女許孺人

幼失恃長失怙蠶辛荼苦半世備嘗喜汝婦職能勤  
并曰親操勉撥劫灰延舊澤 夫在外子在抱破壁  
寒燈一朝溘逝值我兄喪未葬哀傷迭觀慘揮老淚

對西風

輓李祝三

與人無忤與世無爭木訥自甘葆真而去 如金在  
鎔如玉在璞元善所庇有子必昌

輓堂嫂郭孺人

一病遽彌留可憐新婦羹湯忍死須臾猶強受時楠姪新

續 重泉應自懺枉令佳兒跋涉為山九仞竟無功

病中嚴促楠姪應試病劇追回距入場一日

輓莫子思中翰

往興化購書駁于舟中

枕中鴻寶帳底秘書生死相依仙去料應如脉望  
揚州數車廣陵一擔搜羅未竟魂升端合附長恩

輓李孺人

門生李仲綸顏枝之母兩生時應院試俱列前茅

生子皆賢恰當瑣院掄才拔幟同登有價文章歸鐵網  
呼天不弔剛是銜枚罷戰入門一痛滿城風雨  
失慈雲

輓姚恭人

門生姚友梅之母

相夫淑德著璇闈方欣白髮齊眉噩夢何來花雨飄  
蕭鴻案寂 有子才名富香海正好青雲展翮慈暉

忽逝春風黯淡鯉庭寒

輓王孺人

門生王子九之母

六秩預開筵記綵舞蘭陔束皙重編華黍什  
資負米痛霜摧護砌王褒永廢蓼莪詩

輓馬端敏公

朝廷以艱鉅任公中外以安攘期公肘腋變非常飲  
恨騎箕合江左右浙西東遐邇驚傳同一哭  
則國士待我罷官則賓師禮我生成感知已搥門寄  
痛悵石城隅鍾阜側旌騶過訪更何人

敬公爲三管傳人親炙稍遲幸畫舫題襟雅集折白  
門楊柳有子屈六年報最升庸在卽惜麻衣解組  
去思留滌郡甘棠

輓何廉仿太守

翰墨中人詩酒中人江山花月中人薄宦豈能羈累  
年擺脫風塵逸興豪情跨鶴占維揚勝蹟文苑一  
傳循吏一傳貨殖游俠一傳通才無不可平昔服膺  
師訓感恩知己騎鯨作上相先驅

輓曾文正公

一个臣休休有容頻年燮理餘閒小隊出郊垌慣向  
山中招魏野萬戶候綿綿弗替當代元勳佐命大  
名垂宇宙豈徒江左頌夷吾

又代

衡嶽雲興大澤及天下上台星隕遺愛遍江南

又代

以行成名立相期接我寅僚直視同函丈追隨春風  
滿座極生榮死哀無憾窺公心事尤願見遐荒率

服 聖主當陽 時 穆宗猶未親政

又代

碩望著華夷 緯武經文勛業允宜崇一代 大儒作  
將相補天浴日謳思豈僅在三江

又代

昭代完人處為大儒出為元老 中興佐命功在天  
下澤在江南

輓錢恭人

子密京卿德配子密居侯相幕府時  
侯相薨甫數日

夫子擅通才累年帷幄相需方痛切心喪舉案那堪

虛內助 慈姑臻上壽此後羹湯誰奉賴家傳婦職  
潔羞好為侍重幃

輓戴子高文學

侍中坐五十重席解經克紹宗風生平辛苦書林博  
覽旁搜墨守相期綿漢學 湘鄉是第一流人感舊  
最傷知已從此彌留賓館淒風晦雨鸚魂應自戀吳  
興 湖州德清人歿于金陵書局

輓吳竹莊方伯

與部民聯文酒歡痛湖海吟朋又弱一个 以將才

膺屏藩寄留江淮遺愛自有千秋

輓何雲暎年伯 小宋制帥同年之父

維公兼循吏儒林詩歌浣花論議眉山治行文翁四  
十年澤被西川鶴返歸田八秩考終遺憾少 有子  
歷槐廳柏署屏藩皖鄂節鉞河汾保釐江海七千里  
訃聞東粵鴻飛遵渚萬家卧轍去思長

輓吳竹如侍郎

講性理必在事業之中公為濤嶽英靈外縮藩條內  
治刑書言行準名臣懿德允宜光史乘 受裁成各

自扶搖而上我亦江淮後進薄宦闌珊好修遲暮嘯  
歌餘結習坦懷猶可質門牆

又代

任道在躬行外肅屏藩內清狴犴 考終逢月朔人

言厄閨公自全歸 薨于閏六月朔日

輓朱久香學使

余宰嘉興延公主講公視皖學  
余亦主講西湖郵筒時唱和焉

我官樵李公長駕湖迨卿月方中千里詩筒常贈答

皖水宗師姚江道脉惜文星遽墮四朝耆宿漸凋零

輓袁篤臣觀察

歿于江南鹽巡道任前十日惜  
陰課士以浩氣歌命題

仕隱締心交送抱推襟知我疏狂由坦白 學修懲  
偽託完真葆樸憑君浩氣作明神

又代

將才吏治儒修天若假年一代名臣應合傳 科第  
勛猷家世死原無憾重闡大臺最傷心

又代

封胡羯末盡奇才世德相承忠孝名門傳海內 霖  
雨鹽梅期大用經綸未展循良遺愛在江南

又代

別堂上重慈屬纊定知難瞑目 留江南遺愛罷春  
何處不吞聲

又代許少玉太守少玉時將出山一切賴君經

與君兩代通家稔知忠孝相傳籌筆各儲經世畧  
共我五年情話太息典型頓失作霖誰護出山雲

又代郭月樓觀察月樓與君同在營務處

與我最相親忝如郭泰同舟帷幄互參經武策 如  
君安可死匪特袁閎戀母期頤還有倚閭人

輓王仕仙醫師



四世三折肱采芝劬藥遍拯災黎試看秀茁蓀枝雲  
路方長種德于公應獲報 五福一曰壽扶杖含飴  
足娛暮景正好香浮菊釀鸞驂遽駕延年酈水竟無  
功稱八秩觴纔數日

輓蔣文恪公

代

親炙在珂鄉惜遵渚鴻飛鹿洞鷺湖空景仰 勳名  
齊華嶽悵擎天柱折褒雲秦樹總悲涼

輓李幼荃都轉

與君踪跡比似沙搏記曾偕黃浦巡師青楓督戰西

湖載酒東浙題詩諸昆將相盡知交儂指白眉較密  
謁 帝承明忽遭風引竟永謝津門大被鄂渚慈  
雲淝水家園皖江閨夢三戟勳名堪濟美傷心玉樹  
長埋

輓孫太淑人

雪筠太守介臣部郎石君大令燮  
臣殿撰之母

板輿歷江漢而遙琴堂戲綵星驛稱觥最難珂里優  
游羣季陳情同侍養 紗幔受女師之教守令循聲  
郎曹清望更有蓬山領袖大魁秉政待宣麻

輓莊太恭人

守齋觀察之母守齋設鹽旗于金  
陵入貲作觀察時新奉 詔

紗幔傳經教成梓舍廉能豸府榮開翟第新承五色  
詔 鹽梅佐膳正好蘭陔頤養鸞駟遽發麻衣哀咽

二分春 歿于二月十五日

輓張太夫人 振軒中丞之母

德門蔚起勞臣賴官禮親傳異水同源隔幔並承慈

母教 墨經無妨戎事值邊氛未靖防江捍海攀轅

忍令我公歸 時東洋不靖正辦海防

輓何子貞太史

才望如公老死柔翰 疏狂箴我感喟雲天

輓俞俊生明經 授櫺兒讀三年

與諸昆結文社詩壇往蹟難追荆樹摧殘增老淚

導小子以少儀曲禮遺型頓失絳帷黯淡少春風

輓陳秀干明經 君與俊生最相得俊生歿未匝月而君亦歿

文獻痛淪亡惟君齒德兼尊契託牙琴撒手同尋黃

壤路 梓桑論交際在我班行最幼感深向笛驚心

也是白頭人

輓高呈甫孝廉 余主崇文講孝廉監院杭人為余結廬湖上孝廉時監守之

累年講舍相隨把酒論文師弟交情如骨肉 此後

吾廬誰主隔江揮淚夢魂終古戀湖山

輓魏伯陽孝廉

厄閨似黃楊蟬冷螢枯一第相酬天已薄 談經來

絳帳心長語重淡旬永別我何堪先十日尚來書院談藝

輓甘曉亭弟建侯子子藩先後得優貢拔貢

劫後振家聲許武譽弟小同受經貢樹聯芳蔚矣建

康文物 年來娛晚福九老圖形千齡設宴耆英遽

隕傷哉子敬人琴

輓何淡成封翁甥秦伯虞子何善伯先後舉孝廉

晚福孰如君頻年曳杖逍遙最堪羨宅相陽元鳳雛  
韓渥 醉鄉常伴我一夕騎鯨大去忍重過黃公壚  
畔孫楚樓前

輓梅芸生大令梅小巖方伯之兄

有弟領屏藩誼篤吹填江上竟難留鶴馭 與君無

贈答悲生執紼暮年也自痛鴿原

輓汪孺人幹臣同年之媳小松大令之女歿于小松寓館

在夫家主中饋五年可憐洗手調羹勉以病軀供婦  
職 與汝父訂知交世載忍見無兒哭女揮將老淚

對愁霖

輓邢小尹大令代

宦蹟共章江興託尊鱸笠澤維舟重話舊 鄉心縈

白下徑荒松菊揚州騎鶴不歸來

輓唐端甫文學 歿于金陵書局

騷雅似勃悲歌如衢高閣置斯人賚恨方干宜贈第

飲酒和陶說經宗鄭玉樓徵作記嘔心李賀不昌年

輓楊西山年伯 同年祺海大令之父歿于川省 時次男為蕭縣令

碩望著滇池與長君同譜同舟稔知清白相貽黍雨

棠陰留浙水 訃音來蜀道累下邑罷春罷市想見

謳思弗替攀轅卧轍遍龍城

輓劉夫人 治鄉觀察德配治卿督辦保甲局夫 人歿于四月十九日

襄內治于三山二水之間聽枹鼓稀鳴京兆風流兼

幹濟 證解脫在浣花遨頭之日幸芝蘭毓秀謝庭

年少盡英多

輓王恭人 六合令王仲鴻德配仲鴻時被議

仙去難留望三晉雲山德曜未償借隱願 神傷已

甚悵一官露電安仁更賦悼亡詩

輓吳勤惠公

名在 御屏風由百里歷兼圻樸誠報 國寬厚臨  
民湖公德極熬峰雪嶺而遙邊微同瞻何止江淮頌  
遺愛 學推鄉祭酒謝朝簪遂初服刊誤讐書編年  
存稿待我歸話豐樂醉翁之勝典型遠隕那堪湖舫  
憶前游 與公西湖別後遂未覲面

又代

比端明受 聖后之知建牙秉鉞備極恩榮記淮浦  
追隨待我畧同師弟誼 維六一愛滁山最勝酒冽

魚肥正堪頤養悵菟裘終老望公莫罄溯洄情

輓金仲和廣文

秋試未入場而歿

早年誇江夏無雙那知冷宦青羶賣賦長貧抱經終  
老 何日似方干贈第太息秋風白下人來射策君  
去修文

輓盛鏡堂大令

江右膏雨江左閒雲算故里同儕仕隱怡然老福如  
君真罕覯 有子吏才有孫文戰值秋清月滿廣寒  
仙去寓公賸我獨傷神

輓方小東刺史

京洛富游蹤曾借當代名卿孤嶂荒城到處訪碑墓  
北海江山羈宦蹟空曠數椽別墅夕陽疏柳不堪  
邀笛話桓伊君卜宅秦淮自云所居為邀笛古步

輓郭曉山大令

絲繡平原結客江淮留俠氣 澤延萬石傳家芝玉  
有奇才

輓張太夫人

子青督部之母方慶九秩而薨

惟名臣能榮親養親正金閭日永瑤島春濃錫祐特

承 恩壽考百齡中外祝 受慈訓致大魁大帥擅

廬陵文章長沙事業循咳旋讀禮起居八座古今稀

輓方伯雄觀察

史才吏治耆宿經師出處無慚執鞭欣慕 結社圖

形參禪祛病神明不擾易簣從容

輓韓振宗

小亭廣文之姪性佞佛暴卒于浴佛後一日

我與大阮論交稔知詩禮相傳自有詒謀綿燕翼

君向菩提證果太息參苓無效可真解脫赴龍華

輓邱宜人

梓亭廣文德配

相夫子于間關戎馬之中頻年食武昌魚襄水未償  
借隱願 勗諸郎以光裕顯揚為重遽爾控瑤池鶴  
楚雲莫罄望思情

輓淡然禪師

梵行清高畫幾枝瘦竹枯梅聊潤山中瓶鉢 佛門  
解脫看滿地白雲黃葉眷懷方外人琴

輓松霞禪師

玉梅舒英拈花證果 妙蓮悟偈脫垢離塵  
壽袁母七十 篤臣觀察之太夫人其祖太夫人  
猶在堂篤臣現官江南鹽道

慶溢重闈大富貴大壽考 教成令子作霖雨作鹽  
梅

又

七秩侍羹湯願得無量壽承懽堂北 六官授經學  
有用才敷政江南

又

瑩北奉尊嫜中壽常陪上壽 江南歌眾母三春同  
祝千春

壽袁母百齡

端敏公之太夫人小午侍郎之祖  
太夫人

紗幔傳經教成兩世名臣偉矣作中興柱石 朶雲

錫祐福大百齡壽母欽哉承 北闕恩綸

壽周母八十

海齡薪如兩軍門之太夫人其文孫新登秋榜

梓舍功高慶麟閣雙登壽母八旬躋八座 孫枝蔭

大值霓裳同詠名經千佛祝千春

壽薛世香觀察

在吾宗擅學士瀛洲之譽 祝君壽與中州嵩洛同

麻

壽何淡成文學六十雙慶

有子作名孝廉綵舞萊衣樽開梅閣 此老得大白

在眉齊花甲福迓林王

壽周母六十

錫三軍門之太夫人

淑德與陶長沙母相似 令子是班定遠侯一流

壽范母七十

春泉大令之太孺人

天姥峯與鍾阜同壽 孟博母為汝南所宗

壽楊母六十

養之司馬之太恭人

婪尾春留邀頭宴啟 芝階秀毓護背齡長

壽范春泉大令五十

二月十六日生辰時委辦天津海運



大衍添籌一百六日春光好 長才捧檄七十二沽  
游興濃

壽劉雨生明經五十一六月十九日生辰雨生果  
十足科高捷

與大士同生朝香火論因筆底現華嚴法界 值初  
元啟 恩榜文章有價龍頭覘老輩風流

壽田伯珊封翁八十金陵諸老結有千齡會

千齡預宴九老圖形杖履春生年德鍾山堪比峻  
東方善諧南極昌壽孫曾林立家門荆樹慶長榮  
壽徐君六十好手談

櫻筍開筵娛君以菓子戲 芝蘭繞膝先我遇花甲  
年

壽李母六十從孫甥李少堂之太恭人

紗幔傳經教梓舍成名戲綵演大撓甲子 護闈集

祐喜蓀枝託蔭稱觴薦新婦羹湯姪孫女新出嫁

壽李君七十與其子同日生子亦五秩正壽

有子杖于家臘酒成筵百二齡一堂同慶 自天錫

厥祐萊衣獻綵九五福亘古為稀

壽汪母七十孺民孝廉次如文學之太孺人以  
正月初九日生次日立春

先春祝長春戲綵看謝家玉樹 誕日為果日登筵  
薦王母蟠桃

壽張君六十 門生張樹人之父

有子富才華鬢序蜚聲公卿倒屣 與余同甲子琅  
山啟瑞梅萼先春

壽夏健人五十

攀芳侑酒主人多壽 植梓藝蓀家道大興

壽尹君七十

齒德重西域箕範疇占九五福 星輝燦南極梧階

慶衍八千秋

壽繡薇垣大令八十

先官安徽現仍需次金陵其長君隨余游

雙壁豔時名蕊榜聯芳以科第紹公侯家世 八旬  
躋上壽瑤觴滿酌與使君話香火因緣

壽張母六十

門生張然明之母

秋色滿江南桃熟樨香祝王母長生靈娥不老 春

暉永堂北萱榮梓殖喜茂先博物思曼清才

壽何母九十

子永中翰之太夫人

堯舜在堂簾瑞啟璇闈大耋自應多壽母 郝鍾垂

禮法籌添海屋百齡指顧荷殊恩

壽郭母七十

月樓觀察之太夫人

閨閣式儀型維母兼有長沙廬陵德範家門盛簪笏厥子能紹太原汾陽宗風

壽可曾禪師七十

參最上乘得無量壽分九華脉是六朝僧

壽戒恆禪師七十

君如古柏蒼松佛國修成無量壽我是閒雲野鶴靈山證取未來因

### 六十自壽

事功學問兩無成也曾逐隊戎行濫竽官守揚鑣藝苑廁席名山行誼寸心知任世途標榜傾排不爭門戶富貴神仙能有幾差幸天閭雲淨人海塵清鷗鷺身閒江湖夢穩年華中壽屈歷多少平陂往復自葆桑榆

賀盧雲谷太史令郎新婚

衣惹御香歸借金蓮炬為郎君合卺月逢秋夕皎倚玉鏡臺待新貴催粧

賀錢君硯太守令郎新婚

新人徐姓

錦樹爛華門喜小春鄧尉梅開添香點額玉臺續

新詠借五色江郎筆豔題句催粧

賀梁小曙同年令郎新婚

新人江姓

梁案承家江花簪筆杏林及第萱草宜男

賀翁鐵梅新婚

隨宦記趨庭頭角非凡預卜驂騮開道貽謀成宥  
穀門闕有喜欣看鸞鳳翔霄

題伎館

綠酒藏鈎紅燈射覆 滄海觀水巫山看雲

又

鶯花南國娛江令 絲竹東山侍謝公

又

酒情跌宕酬明月 花品清高戀夕陽

又

鴛鴦樓上機雲譜 蘭杜洲邊屈宋心

贈雅仙

儒雅有人憐宋玉 神仙何處覓飛瓊

贈得仙

得月樓高宵品遂 仙雲彩射曉梳鬟

贈二寶

二月杏花八月桂 寶兒憨態雪兒歌

贈招官

招得吟朋同載酒 官如春夢且看花

贈秀卿

秀色可餐骨秀韻秀 卿言有味親卿愛卿

贈四官

雅調善彈胡撥四 新詞學唱孔都官

贈琴蘭

琴心細按鴛湖曲 蘭臭常親鶴市賓

贈十全

賦擬泉明償十願 畫摹周昉寫全神

贈小桂珠

小山叢桂非常植 滄海遺珠大有人

贈文寶

文章六代歸金粉 寶氣三霄擁玉清

贈愛卿

為愛餘春培芍藥 認卿小影是桃根

又

貪嗔懺盡仍留愛 滄海重來半為卿

贈金鈴

金錢花下占春訊 鈴鐸聲中護夜香

又

金葉描成如意格 鈴聲清入護花心

又

金縷曲成邀客顧 鈴兒草弱仗風扶

贈阿男

生小未嘗離阿母 願天速變作男兒

贈慧仙

慧心雅契張公子 仙侶常陪趙倚樓

贈媚生

媚媚如臨松雪字 慙生想見寶兒妝

贈寶林

寶月窺奩增皎潔 林花沐雨倍嬋娟

贈桂林

願得月圓常倚桂

莫教花放遽成林

芳名恰稱蟾宮桂

綺夢難忘錦樹林

贈琴仙

琴簾半捲月媚夕

仙呂一聲秋入弦

贈少卿

須惜少年時怕狂蜂浪蝶紛飛錦字泥緘為奏通明殿上常邀卿月照作詞伯醉侯侍從香名豔福合

登羣玉山头

贈玉珮

如玉之溫劑我幽緒

雜珮以報矢卿素心

贈蘅香

蘅杜芬芳騷客佩

香花供養美人緣

贈如意

不如歸去鳥喚客

于意云何花媚人

贈岫雲

新移居有母喪集句贈之

窗中列遠岫

嶺上多白雲

贈巧齡

調舌能為千百巧 稱觴初度十三齡

贈妙紅

妙蓮為證三生果 紅豆能傳兩地情

贈素娟

春歸珍重留樊素 塵起殷勤護麗娟

贈瀛仙

瀛海探驪聲價貴 仙機織錦剪裁新

贈小玉紅

青蓮絕唱誇羣玉 白石新詞付小紅

贈織雲

我喜槎邊逢織女 人從江上望雲君

贈蓉君

芙蓉楊柳弄秋色 雲君月姊聯古懽

贈雙鳳

雙鬟慣下才人拜 鳳髻慵梳時世妝

贈碧簫

碧海青天情脉脉 簫涼笛脆夜悠悠



贈翠鳳

翠袖寒分修竹韻 鳳巢栖穩碧梧枝

又

翠挹山嵐嬌挹露 鳳宜梧竹鶴宜梅

贈桐花

桐是琴材清在韻 花如人面笑臨風

贈碧雲

碧玉瓜期春醞釀 雲英掌上舞輕盈

贈才寶

才子文章花鬥豔 寶兒情性玉同溫

贈素真

素心玉鏡臺前見 眞面珠簾月下逢

贈喜齡

卜喜燈花開爛熳 問齡月子恰團圓

贈綠卿

集句

綠淨不可唾 卿言亦復佳

贈桂如

桂府仙人羽衣曲 如來世界妙蓮花

贈巧雲  
燕子鶯兒都讓巧  
蕙香蘭氣聚成雲

贈桂芳

何人倚桂如吳質  
遲我尋芳似牧之

贈小蘭

簾下偷窺霍小玉  
塵中幾見杜蘭香

贈小翠

小樣紅妝春意透  
翠翹金雀鬢雲垂

贈玉林

性情溫潤崑山玉  
花月繁華錦樹林

贈翠林

翠羽明璫來洛浦  
林花砌草補騷經

贈綺香

綺台霞舒春爛熳  
香溫酒熟夢惺忪

贈愛香

愛河風定情波活  
香海名高豔福多

贈桂生

桂輪滿孕靈娥魄  
生面新窺小玉妝

贈多福 聖師 坐而豫巽小正建

多情易被春風妬 福慧都緣夙世修

上洋周竹亭鐫

